



Her er 22 av dei 24 konfirmantane som skal førebu seg på bedehuset i Uskedalen fram til konfirmasjonen i mai samla på trappa måndag kveld: Birger Bauge, Silje Bråtun, Vegard Døssland, Thomas Halvorsen, Carina Totland Hansen, Birgitte Hjelmeland, Siv Hanne Kjærland, Monica Helen Sæle Kårstad, Ida Telstø Legland, Kristine Ludvigsen, Ingeborg Haugland Lunde, Silje Myklebust Mathiesen, Gaute Moberg, Ellen Karin Moen, Julie Grønstøl Myklebust, Dag Rune Myklebust, Aleksander Rebaudo, Anette Kyrkjeide Sandnes, Torbjørn Steinsvik, Ingvill Traavik Sture, Margareth Sæle, Benjamin Taranger og Karsten Tungesvik. Anders Rød Eidsvik og Andreas Saghaug får undervisning i Rosendal. (Foto: Ola Matti Mathisen)

Det skjedde noko historisk på bedehuset i Uskedalen måndag kveld: Konfirmantane møtte til undervisning der.

- Det er ikkje heilt klart når konfirmantførebuinga var på denne staden og i Uskedalen sist, men det har i hvert fall ikkje hendt sidan 1966, seier fleire som hugsar attende til uskedalen.no. Sidan har konfirmantundervisninga vore i Rosendal.

Når det likevel var naturleg å leggja den til Uskedalen i 2007/2008 var grunnen at kullet er så stort som 24. Kyrkjelydssekretær Oddbjørg Heimark kunne helse 22 av dei velkomen til bedehuset fordi to får undervisninga si i Rosendal. Bedehusets ansvarlege er på si side svært glade for å kunne låna ut bedehuset til dette føremålet.

Dei to første "skuletimane" var, ikke uventa, ei fin blanding av ålvor og skjemt, for Oddbjørg er myndig og morosam på same tid.

Men ho stilte dei 22 desse to spørsmåla som dei måtte svara skriftleg på:

Kvifor er dykk med på dette?

Kva ønskjer dykk læra dette året?

Eit svar var at dei ønskte å læra meir om kristendommen og eit anna at dei ville vera saman med vener.

Undervisninga strekkjer seg over to timar annankvar veke fram til april 2008, opplyser Oddbjørg Heimark til uskedalen.no

Av Ola Matti Mathisen